

Panduan Pergerakan Barangan Secara Pentadbiran Bagi Prosedur Kawalan Kastam di Zon Bebas (Borang Pentadbiran)

1. Penggunaan Borang Kelulusan Pergerakan Barangan Secara Pentadbiran (dikenali sebagai Borang Pentadbiran) adalah satu kemudahan yang diberikan oleh Jabatan untuk melancarkan proses pergerakan barangan di antara zon bebas dan KUK.
2. Ini selaras dengan kuasa yang diperuntukkan kepada Ketua Pengarah Kastam di bawah Peraturan 32 Peraturan – Peraturan Zon Bebas 1991 yang menyatakan bahawa Ketua Pengarah Kastam boleh memberi pengecualian kepada mana-mana orang daripada mana-mana peruntukan di Bahagian III – Pengendalian Barang-Barang, Peraturan – Peraturan Zon Bebas 1991.
3. Penggunaan Borang Pentadbiran merangkumi pergerakan barangan antara zon bebas dan KUK bagi tujuan seperti berikut:
 - a. Barangan tersenarai di bawah Perintah Zon Bebas (Pengecualian Barang) 1998 yang dibawa masuk ke zon bebas dan telah dibayar duti / cukai untuk dibawa keluar ke KUK.
 - b. Baikpulih / penyelenggaraan barangan zon bebas di KUK yang melibatkan aktiviti pelabuhan dan lapangan terbang dalam zon bebas.
 - c. Penggunaan sementara peralatan dari KUK di zon bebas.
 - d. Barangan dari KUK yang tidak berduti eksport seperti bahan binaan, makanan dan minuman, pakaian, alat tulis, kertas dan lain-lain bagi tujuan guna habis dalam zon bebas.
 - e. Bahan buangan pembungkusan / sampah dari zon bebas ke KUK.
 - f. Pergerakan barangan ke dalam kawasan-kawasan yang tidak diwartakan sebagai zon bebas tetapi berada dalam kawasan zon bebas.
 - g. Barangan dari KUK bagi tujuan kegunaan dalam zon bebas berkenaan (bukan maksud pengilangan atau perdagangan) yang telah dibayar duti / cukai seperti perabot, perkakas dapur, alat elektronik, barang-barang pembaikan jalan, infrastruktur dalam zon bebas dan sebagainya.

- i. Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - ii. Pemohon hendaklah membuktikan bahawa barangan telah dibayar duti / cukai dengan mengemukakan Borang Kastam No.1 / Resit Rasmi Kastam (*Customs Official Receipt – COR*)
- b. Baikpulih / penyelenggaraan barangan zon bebas di KUK yang melibatkan aktiviti pelabuhan dan lapangan terbang dalam zon bebas.
 - i. Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - ii. Barangan dibenarkan untuk dibaikpulih dalam tempoh tiga puluh (30) hari dari tarikh kelulusan diberikan.
 - iii. Stesen kastam yang mengawal boleh mempertimbangkan lanjutan tempoh maksimum selama enam (6) bulan lagi sekiranya perlu.
 - iv. Permohonan baharu hendaklah dikemukakan apabila barang tersebut dibawa masuk semula ke dalam zon bebas dari KUK dan disertakan bersama-sama dengan borang kelulusan asal.
- c. Penggunaan sementara peralatan dari KUK di zon bebas (seperti mesin fotostat, komputer dan lain-lain);
 - i. Hanya senarai peralatan dan kuantiti yang diluluskan oleh stesen kastam yang mengawal sahaja dibenarkan.
 - ii. Tidak terpakai bagi pergerakan dari zon bebas ke KUK.
 - iii. Peralatan boleh berada di zon bebas dalam tempoh tidak melebihi enam (6) bulan dari tarikh kelulusan diberikan atau mengikut tempoh yang dinyatakan dalam sesuatu kontrak jika berkaitan.
 - iv. Stesen kastam yang mengawal boleh mempertimbangkan lanjutan tempoh maksimum selama enam (6) bulan lagi sekiranya perlu.
 - v. Permohonan baharu hendaklah dikemukakan apabila barang tersebut dibawa masuk semula ke KUK dan disertakan bersama-sama dengan borang kelulusan asal.

- d. Barangan dari KUK seperti bahan binaan, makanan dan minuman, pakaian, alat tulis, kertas dan lain-lain bagi tujuan guna habis dalam zon bebas.
 - i. Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - ii. Pergerakan barangan yang terlibat adalah dari KUK ke zon bebas.
 - iii. Barangan yang dibawa masuk ke zon bebas tidak tertakluk kepada duti eksport.
- e. Bahan buangan pembungkusan / sampah dari zon bebas ke KUK.
 - i. Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - ii. Sekiranya ia melibatkan barangan *hazardous waste*, permit dari agensi berkenaan hendaklah disertakan (jika berkaitan).
- f. Pergerakan barangan ke dalam kawasan-kawasan yang tidak diwartakan sebagai zon bebas tetapi berada dalam kawasan zon bebas.
 - i. Pergerakan barangan dari KUK ke kawasan-kawasan yang tidak diwartakan sebagai zon bebas tetapi berada dalam kawasan zon bebas dan sebaliknya.
 - Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - Pergerakan melibatkan barangan syarikat / kilang yang beroperasi di kawasan-kawasan yang tidak diwartakan sebagai zon bebas.
 - ii. Pergerakan barangan antara kawasan-kawasan yang tidak diwartakan sebagai zon bebas dan berada dalam zon bebas yang sama.
 - Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.

- Hanya melibatkan barangan syarikat / kilang yang beroperasi di kawasan-kawasan yang tidak diwartakan sebagai zon bebas.
- g. Barangan dari KUK bagi tujuan kegunaan dalam zon bebas dikenakan (bukan maksud pengilangan atau perdagangan) seperti perabot, perkakas dapur, alat elektronik, barang-barang pembaikan jalan, infrastruktur dalam zon bebas dan sebagainya.
- i. Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - ii. Barangan yang dibawa masuk ke zon bebas tidak tertakluk kepada duti eksport.
- h. Barang-barang belian runcit oleh pelancong yang akan berlepas ke Thailand dari Zon Bebas Cukai Rantau Panjang ke Kompleks ICQS Rantau Panjang melalui KUK.
- i. Hanya senarai barangan dan kuantiti yang diluluskan oleh stesen kastam yang mengawal sahaja dibenarkan.
 - ii. Kelulusan ini hanya boleh diberikan kepada pelancong yang akan berlepas ke Thailand melalui Kompleks ICQS Rantau Panjang.
 - iii. Pemohon hendaklah mengemukakan dokumen perjalanan yang sah kepada pegawai kastam di pintu keluar / masuk zon bebas.
 - iv. Pegawai kastam di Kompleks ICQS Rantau Panjang hendaklah mengembalikan salinan Borang Pentadbiran yang telah diluluskan kepada Unit Zon Bebas Rantau Panjang.